

**KEV TXUAS LUS PAB TXHAWB TSEV NEEG
(COORDINATED FAMILY SUPPORT, CFS)
DAIM NTAWV QHIA QHOV TSEEB RAU COV NEEG THIAB COV TSEV NEEG**

CFS yog dab tsi?

CFS yog ib qho kev pab cuam tshiab uas tau tawm qauv tshwj xeeb los mus pab rau cov neeg laus uas muaj cov kev xiam oob qhab txog fab kev loj hlob uas xaiv nyob nrog lawv tsev neeg nyob ua ke. CFS raug tsim tawm los mus saib xyuas rau qhov qhia tswv yim los ntawm cov tsev neeg hais txog kev tsis muaj cov kev pab cuam pab rau cov neeg uas yog neeg laus uas xaiv nyob nrog tsev neeg lub tsev.

Yuav muab qhov kev pab cuam ntawm CFS koj los mus faib, muab rau cov tib neeg, thiab muab hloov pauv ua kom tau raws li cov kev xav tau uas muaj kev hloov pauv lawm thiab cov kev nyiam ntawm tus tib neeg uas tab tom tau txais kev pab ua ke nrog rau lawv tsev neeg/tus neeg muab kev saib xyuas.

Cov Kev Pab Txhawb Nqa Los Ntawm CFS

CFS raug tawm qauv los mus pab koj thiab koj tsev neeg dhia hauj lwm kom sib haum thiab teem sij hawm rau cov kev pab cuam uas koj tau txais ntawd. CFS muaj peev xwm pab tau koj thiab koj tsev neeg kawm paub ntau ntiv txog koj qhov kev sau qhia tus mob raws kev kuaj pom meej tseeb thiab pab nrog rau kev npaj rau lub neej yav pem suab, ua ke nrog rau pab koj kawm paub txog txoj hauv kev mus siv tau cov kev pab cuam ntau ntiv uas koj tuaj yeem muaj cai tsim nyog tau txais. CFS muaj peev xwm pab muab kev cob qhia rau cov neeg uas txhawb nqa koj es kom lawv thiaj li npaj tau zoo dua qub los mus ua hauj nrog koj thiab koj tsev neeg. CFS muaj peev xwm pab tau koj txheeb xyuas txog kev caij tsheb mus los, cov kws muab kev pab cuam faj seeb thiab pab koj kawm paub hais txog cov pab pawg muab kev pab tawm tswv yim rau tus kheej nyob rau hauv koj cheeb tsam. CFS yuav raug muab koj los mus siv hais ua koj hom lus thiab ua ib txoj hauv kev uas muaj kev sib hwm txog ntawm koj li kab lis kev cai. Koj yuav pab tawm qauv thiab faib koj li kev pab cuam ntawm CFS rau sawv daws.

Leej twg thiaj muaj cai tau txais kev pab ntawm CFS?

CFS yog muaj pab rau cov neeg laus (hnuv nyoog 18 thiab laus dua ntawd) uas nyob nrog lawv tsev neeg thiab tau txais cov kev pab cuam los ntawm ib Lub Chaw Muab Kev Pab Cuam Hauv Cheeb Tsam (Regional Center).



Kuv yuav thov qhov CFS tau li cas?

Yog hais tias koj nyob ntawm tsev nrog koj tsev neeg thiab koj xav hais tias koj xav tau CFS, ces hais qhia rau koj Tus Neeg Cev Ncauj Cev Lus Txog Kev Pab Cuam ntawm Lub Chaw Muab Kev Pab Cuam Hauv Cheeb Tsam (Regional Center) paub. Lawv yuav teem sij hawm rau ib lub rooj sib tham los ntawm pab pawg IPP txhawm rau txiav txim seb CFS yuav muaj peev xwm pab koj thiab koj tsev neeg tau li cas. Yog hais tias muaj neeg qhia koj txog rau CFS, ces ib tus kws muab kev pab ntawm CFS mam li tuaj ntsib koj thiab koj tsev neeg txhawm rau sib tham hais txog yam uas koj xav tau los ntawm kev siv CFS ntawd. Ua ke ntawd, tus kws muab kev pab ntawm ntawm CFS, nrog rau koj thiab koj tsev neeg, yuav tau npaj ib qho kev npaj uas txheeb xyuas txog seb cov kev pab cuam twg uas koj xav tau kev pab nrog rau thiab seb tus kws muab kev pab ntawm CFS yuav pab koj tau li cas.

Cov Kev Tshuaj Ntsuam Xyuas Ntawm CFS

Lub Tuam Tsev Hauj Lwm Tsim Kho Cov Kev Pab Cuam (Department of Developmental Services) xav paub txog feem ntawm seb CFS yuav pab koj thiab koj tsev neeg tau li cas. Koj yuav raug thov kom sau kom tiav ib qho kev tshuaj ntsuam xyuas luv heev nyob rau thaum pib muab cov kev pab cuam ntawd thiab tom qab ntawd ces tej zaum yuav rov qab tau sau ib zaug los sis ob zaug nyob rau lub sij hawm uas koj tab tom txais qhov kev pab cuam ntawd. Qhov no yuav pab ua kom Lub Tuam Tsev Hauj Lwm (Department) paub txog hais tias seb CFS puas tab tom ua hauj lwm rau koj thiab koj tsev neeg.

